

NAQQIUT

Siunnersuut 4. august 2017-imeersoq taarserpaa

Tunngavigisaq

Tusarniaanermi akissutit inatsisiliornermut tunngasut kingusissukkut takkuttut tunngavigalugit, siunnersummut naqqiummik suliaqartoqarpoq. Allannguutit annerpaartaat teknikkikkut allanguinerupput.

Unga siunnersuut: Soraarnerussutisiaqalernissamut aningasaatit ilaannit pissarsiat akileraaruserneqartarnerat pillugu Inatsisartut inatsisaat nr. Xx, xx. Xxx 2017-imeersoq

Kapitali 1

Akileraartussaatitaaneq

§ 1. Soraarnerussutisiaqarsinnaatitaasut aningaasarsianit akileraarutit pillugit inatsimmi § 1, imm. 1 aamma 2 naapertorlugit akileraartussaatitaasut marloqiusamik akileraartannginnissamik isumaqtigiissumi aalajangersakkat malillugit naalagaaffimmik allami, Danmarkimi Savalimmiuniluunniit angerlarsimaffilittut isigineqanngitsut, inatsit manna malillugu soraarnerussutisiaqalernissamut aaqqissuussinernit soraarnerussutisiaqalernissamut aningasaateqarfinni Kalaallit Nunaanni angerlarsimaffilinni sillimmasiisarnermillu ingerlatsineq pillugu inatsimmut ilaasuni, imaluunniit inuunermik soraarnerussutisiaqalernissamulluunniit sillimmasiisarnermillu ingerlatseqatigiiffinni Kalaallit Nunaanni angerlarsimaffilinni sillimmasiisarnermillu ingerlatsinissamik Aningaasaqarnermik Nakkutilliisoqarfimmit (Finanstilsynimit) akuerineqarsimasuni pilersinneqarsimasunit akileraartussaapput.

Imm. 2. Soraarnerussutisiaqalernissamut aningaasaateqarfiiit Kalaallit Nunaanni angerlarsimaffillit, kiisalu inuunermik soraarnerussutisiaqalernissamulluunniit sillimmasiisarnermillu ingerlatseqatigiiffiit Kalaallit Nunaanni angerlarsimaffillit inatsit manna malillugu akileraartassapput.

Imm. 3. Soraarnerussutisiaqarsinnaatitaasut Danmarkip Kalaallit Nunaatalu akornanni marloqiusamik akileraartannginnissamik isumaqtigiissut malillugu Danmarkimi najugaqartutut isigineqartut Kalaallit Nunaanni soraarnerussutisiaqalernissamut aningasaateqarfinni il.il. soraarnerussutisiaqalernissamut aaqqissuussinernit imm. 1-imi taaneqartunit akileraartussaataapput.

Kapitali 2

Pissarsiat akileraarutaasussaatitaasut

§ 2. Pissarsianit akileraarutaasussanit nunatta karsianut 15,3 pct.-imik akileraartoqartassaaq.

Imm. 2. Akileraarnermi tunngavigisassanut ukiumi aningaasarsiorfiusumi pissarsiat ilaapput. Ukioq aningaasarsiorfiusoq tassaavoq qaammatisiutit ukiuat. Sorarnerussutisiaqalernissamut aaqqissuussinermut soraarnerussutisiaqarsinnaatitaasut arlaliuppata pissarsiat naatsorsorneqartut agguataarneqartassapput ukiup aningaasarsiorfiusup aallartinnerani aaqqissuussinermi pineqartup uninngasuutaasa annertussusiat naapertorlugu.

Imm. 3. Ukiuni aningaasarsiorfiusuni akileraartussaatitaanerup atuutilernerani atorunnaarneraniluunniit ukioq aningaasarsiorfiusoq tassaavoq qaammatisiutit ukiuata ilaa akileraartussaatitaaffiusoq.

§ 3. Soraarnerussutisiaqalernissamut aningaasaateqarfiit aamma inuunermik soraarnerussutisiaqalernissamulluunniit sillimmasiinermik ingerlatseqatigiiffiit § 1, imm. 1 naapertorlugu aaqqissuussinernut ilaasut, iluanaarutisiat akileraaruserneqartussaatitaasut imm. 2-8 naapertorlugu naatsorsortassavaat.

Imm. 2. Iluanaarut akileraaruserneqartussaatitaasoq uku katinnerinit naatsorsorneqartassaaq:

1) Sillimmasiinermut isumaqtigiiissut naapertorlugit erniat ernianillu iluanaarutisiat qularnaveeqquitinit nalillu nikerernerannut illersummut akiliutinik ilanngaaserlugu uninngasuutinut ilanngunneqartut. Sillimmammi uninngasuutit sillimmasiinermi akiliutinik kiisalu sillimmasiinermi akiliutinik aningaasartuutinillu, aarlerinaatinut akiliutinik akiliutinillu ilanngaaserlugu immikkut ilunaarutisiatut illikartitanit nuutanik, sillimmasiinermi isumaqtigiiissut naapertorlugu ernianik ilallugit, aningaasartuutinut-, aarlerinaatinut kiisalu ernianit iluanaarutisionit, illikartitat annertuseriaataannik aammalu sillimmasiinermi pisoqarnerani annikilliliilluni sillimmammillu akiliutit ilanngaatigalugit naatsorsorneqartassapput.

2) Aningaasat allat uninngasuutinut ilineqartut, aningaasaliissutinillu iluanaarutineersut.

3) Ernianit iluanaarutisiat sillimmammi uninngasuutineersuunngitsut, arlaatigulli sillimmammut soraarnerussutisianulluunniit aningaasaateqarfiup aaqqissuussaanut attuumassuteqartut.

4) Sillimmammut soraarnerussutisianulluunniit aningaasaateqarfiup aaqqissuussaanut atasunik immikkut iluanaarutisiat, aningaasaliinernit iluanaarutinit aallaavillit.

5) Ukiut ingerlaneranni akiliutit § 16, imm. 2, uniffiit aappaat naapertorlugu akileraarutinut akiliutinik ilaneqartut, soraarnerussutisiamik aaqqissuussaq naapertorlugu inuunermik sillimmasiisarfip il.il. aningaasaliinernit iluanaarutisiaanit pissarisussaatitaasumut toqqaannartumik akiligai.

6) § 16, imm. 2, uniffiit aappaat naapertorlugu akileraarutinut ilanngaatit.

Imm. 3. Akileraartussaatitaasoq sillimmammik atorunnaarsitsinermi iluanaarutisiassatut sillimmatinik agguanneqanngitsunik, ernianit iluanaarutisionit sillimmatip atuunnerata nalaani atugassanngortinneqartunit katersugaasunik pissarisussaatitaaguni, ukiumut iluanaarutisionut akileraaruserneqartussaatitaasunut aningaasat sillimmatip atuunnerata nalaani sillimammut ilineqartut annertoqataat ilanngunneqassapput.

Imm. 4. Soraarnerussutisianik aningaasaateqarfiup sillimmasiissutit eqimattamut eqimattanulluunniit arlalinnut agguassavai.

Imm.5. Ukiumi aningaasartuutinut naatsorsuutit inernerat eqimattanut imm. 4-miittunut amigartoornermiippat, taassuma ilaa naapertuttoq soraarnerussutisianik pissarsisussaatitaasup iluanaarutisiaanut akileraaruserneqartussaatitaasumut ilangunneqassaaq. Ukiumi aningaasartuutit inernerat sillimmassiissutini eqimattani tamani naatsorsorneqartarpooq, aappaattullu aningaasartuutinut akiliutitut eqimattanut aningaasartuuterpiaasut ilanngaatigalugit naatsorsuunneqartarluni. Ukiumi aningaasartuutinut akiliutit tullaapput aningaasartuutinut akiliutissat isumaqatigiissut naapertorlugu akiligassat annerpaaffissat, taakkunannga ukiumi aningaasartuutinut iluanaarutisiaq ilanngaatigalugu. Ukiut siuliini aningaasartuutit naatsorsorneqarnerisa inernerinit sinneqartoortutit, ukiup amigartoorfiusumik aningaasartuutinut naatsorsuutaanut ilineqarsinnaavoq. Uniffiit sisamaat naapertorlugu ilanngaaasiinermi, soraarnerussutisianik aningasaateqarfip aningaasaatit sipaardeqartut nammineq aningaasaatineersuunerat imaluunniit sinneqartoortisianit sillimmatinit agguanneqanngitsuneersuunerat, ukiumi aningaasartuutit naatsorsorneqarneranni amigartoortumut ilanngaatitut atorneqartut, ukioq akileraarutinut akiliiffik sioqqullugu ukiuni aningaasartuutit naatsorneqarnerisa inernerini sinneqartoortineersusoq uppernarsarsinnaagaa tunngavissaatinneqarpoq. Soraarnerussutisiassanik pissarsisussaatitaasup ukiumi anignaasartuutit amigartoortumik inerneranni agguagarsiaa, ukiumi aningaasartuutaasut inernerannik inuup ukiumi pineqartumi aningaasartuutinut akiliutaanik imaluunniit aningaasartuutinut ilassutaata il.il. kiisalu eqimattat ataatsimut ukiumi aningaasartuutnik akiliutaanik imaluunniit aningaasartuutinut ilassutaanik il.il. gangerlugu. Soraarnerussutisianik aningasaateqarfik eqimattanut aaningaasartuutnik matussutissanut aningaasartuutinut ilaassummik, akiliutinik assigisaanilluunniit akiliisanngitsunut, soraarnerussutisianik pissarsisusaatitaasup ukiumi aningaasartuutinut naatsorsuutini inerneranut amigartoorfiusumut agguagarsissutissa, eqimattap aningaasartuutinut amigartoortumik inernerata eqimattani inuit amerlassusaannik aggorlugu naatsorsorsinnaavaa.

Imm.6. Ukiumi aarlerinaatit inernerat eqimattanut imm. 4-miittunut amigartoornermiippat, taassuma ilaa naapertuttoq soraarnerussutisianik pissarsisussaatitaasup iluanaarutisiaanut akileraaruserneqartussaatitaasumut ilangunneqassaaq. Ukiumi aarlerinaatit inernerat sillimatini eqimattanut tamani naatsorsorneqartarpooq, aappaattullu aarlerinaatinut akiliutinut eqimattanuut aningaasartuuterpiaasut ilanngaatigalugit naatsorsuunneqartarluni. Ukiumi aarlerinaatinut akiliutit tassaapput aarlerinaatinut akiliutit, isumaqatigiissut naapertorlugu akiligassat annertunerpaaflit, ukiumi aarlerinaatinik iluanaarutisiat ilanngaatigalugit. Ukiut siuliini aarlerinaatinut inernerit sinneqartoortutit, ukiup amigartoorfiusumik aarlerinaataanik inerneqarfiusumut ilineqarsinnaavoq. Uniffiit sisamaat naapertorlugu ilanngaaasiinermi, soraarnerussutisianik aningasaateqarfip aningaasaatit sipaardeqartut nammineq aningaasaatineersuunerat imaluunniit sinneqartoortisianit sillimmatinit agguanneqanngitsuneersuunerat, ukiumi aarlerinaatinik angusani amigartoortumut ilanngaatitut atorneqartut, ukioq akileraarutinut akiliiffik sioqqullugu ukiuni aarlerinaatinik inernerni sinneqartoortineersusoq uppernarsarsinnaagaa tunngavissaatinneqarpoq. Soraarnerussutisiassanik pissarsisussaatitaasup ukiumi aarlerinaatit inerneranni agguagarsiaa, ukiup amigartoortumik inernerana inuup toqunerani aarlerinaatinut akiliutaata kisitsisaanik aamma inuussutissarsiorsinnaanerminik annaasaqarnermut aarlerinaammut akiliutaanik kiisalu

eqimattamiittut toqunermikkut inuussutissarsiorsinnaajunnaarnermikkullu aarlerinaammut akiliutaannik gangerlugit naatsorsorneqassaaq.

Imm.7. Soraarnerussutisianik aningaasaateqarfik eqimattanut tamanut imm. 4 naapertorlugu ernianut-, aarlerinaatinut, aningaasartuutilu inerneranik naatsorsuusiortassaaq. Erniat inernerat ukiumi aningaasaliissutinit, eqimattap sillimmasiinermi isumaqatigiissutit naapertorlugit ernianut aningaasartuutai ilanngaatigalugit iluanaarutisiap ilaaut eqimattamut tunniunneqartup ilaaut naatsorsorneqassaaq. Aarlerinaatinut inerneq ukiumi eqimattap aarlerinaatinut akiliutaatut, eqimattamut aarlerinaatitut aningaasartuutaarpiaut ilanngaatigalugit naatsorsorneqartassaaq.

Imm.8. Ukiumi pigisanut nalilinnut aningaasaliinermi iluanaarutisiat, teknikikkut kinguartitsinernik imaqartut, aningaasanut agguanneqanngitsunut ilaanngitsut, tak. § 5, imm. 2 imaluunniit 3, imaluunniit soraarnerussutisiassaqartup uninngasuutaata ilai, tak. Imm. 2, nr 1, uniffiit aappaat, imm. 1-7 naapertorlugu akileraaruserneqartussaatitaasutut iluanaarutisianut ilanngullugit naatsorsorneqassanngillat.

§ 4. Soraarnerussutisiaqalernissamut aningaasaateqarfiiit § 1, imm. 2-mi taaneqartut pigisanit nalilinnit pissarsiaat suugaluartulluunniit akileraarnermi tunngavigisassanut ilannguttassavaat, taamaattorli imm. 2 aamma § 5 takukkit.

Imm. 2. Akileraarnermi tunngavigisassat naatsorsornerini makku ilanngaatigineqarsinnaapput:

- 1) aningaasat, soraarnerussutisiaqalernissamut aaqqissuussinernut § 1, imm. 1-im i taaneqartunut pisussaaffinnut matusissutissatut erniatut il.il. ataasiakkaarlugit immikkoortinneqartut aamma
- 2) aningaasat sillimmasiinernut soraarnerussutisiat akileraaruserneqartarnerat pillugu inatsimmut ilanngitsut, taamaallaallu tunniunneqarsinnaasut piffissaq sillimmasersimanerup atorunnaarfissaatut isumaqatigiissutigineqarsimasoq sioqqullugu sillimmasersimasoq napparsimalerpat, innarluuteqalerpat toquppalluunniit, piffissaq atorunnaarfissatut isumaqatigiissutaasoq sillimmasersimasup 80-inik ukioqalernerata kingorna ullormit sillimmasersimanermut akiliiffissamit siullermit kingusinnerunngippat.

§ 5. Inuunermik soraarnerussutisiaqalernissamullu sillimmasiisarnermik ingerlatseqatigiiffiit kiisalu soraarnerussutisianik aningaasaateqarfiiit § 1, imm. 2-mi taaneqartut aningaasaatinit agguanneqanngitsunit aamma nammineq aningaasaatinit ernianit aningaasanillu imm. 4 naapertorlugu teknikikkut immikkoortitsinernut tunngatinneqartunit akileraartassapput imm. 2-6 malillugit.

Imm. 2. Aningaasaatitut agguanneqanngitsutut paasineqassapput aningaasalersuinermik ingerlatsineq pillugu inatsit aamma sillimmasiisarnermik ingerlatseqatigiiffiit suliffeqarnermillu soraarnerussutisiaqalernissamut aningaasaateqarfiiit aningaasaatitik pillugit nalunaarusiaat pillugit nalunaarut naapertorlugu ataatsimut immikkut pissarsiarineqarsinnaasunut immikkoortitat, ataatsimoorluni immikkut ittumik immikkut pissarsiarineqarsinnaasunut immikkoortitat agguanneqarsimanngitsut aamma nalinik iluarsiissutit katersat § 3, imm. 3 malillugu akileraaruserneqartussaanngitsut.

Imm. 3. Inuunermik sillimmasiisarnermik ingerlatseqatigiiffit kiisalu soraarnerussutisiaqalernissamut aningaasaateqarfiit eqqarsaatigalugit aningaasaatitut agguanneqanngitsutut paasineqassapput soraarnerussutisiaqarsinnaasumut iluaqutaasussatut immikkoortitsinerit il.il. suugaluartulluunniit, § 3 malillugu soraarnerussutisiaqarsinnaatitaasup akileraarutissaanut tunngavigisassanut ilaatinneqanngitsut.

Imm. 4. Akileraarnermi tunngavigisassat naatsorsorneqassapput ukiup aningaasarsiorfiusup naanerani aningaasaatitut agguanneqarsimanngitsutut, ukiup aningaasarsiorfiusup aallartinnerani aningaasaatit agguanneqanngitsut naatsorsorneqartut ilanngaatigalugit. Oqaaseqatigiinni siullerni akileraarnermi tunngavigisassanut ilanngunneqassapput ukiumi ajutooriataarsinnaanermut aningaasartuuteqarnermullu angusat avataatigut nammieq aningaasaatinit erniat sinneqartoortillu teknikkut immikkoortitsinernut imm. 2 malillugu aningaasaatinut agguataarneqanngitsunut imaluunniit sillimmasersimasup § 4, imm. 2 naapertorlugu toqqortaanut ilaannngitsunut tunngatinneqartut. Teknikkkut immikkoortitanut ajutooriataarsinnaanermut aningaasartuuteqarnermullu angusat amigartoorfiusut oqaaseqatigiit appaat malillugu akileraarnermi tunngavigisassanut ilanngunneqassapput. Ukiumut qaangiuttumut aningaasartuuteqarnermut angusat sinneqartoorfiusut ukiumi aningaasartuuteqarnermut angusanut amigartoorfiusunut ilanngunneqarsinnaallutik. Oqaaseqatigiit sisamaanni ilanngaasinnaanermut piumasaqaataavoq soraarnerussutisiaqalernissamut aningaasaateqarfiup uppermarsarsinnaassagaa nammieq aningaasaatinit aningaasat katersorneqarsimasut imaluunniit aningaasaatit agguataarneqarsimasut, ukiumi ataatsimi aningaasartuuteqarnermi angusanit amigartoorfiusunit ilanngaatigineqartut, ukioq aningaasarsiorfusoq sioqqullugu teknikkut immikkoortitsinernut aningaasartuuteqarnermi angusani sinneqartoortinit pisuusut, aamma nammieq aningaasaatinit imaluunniit aningaasaatinit agguataarneqarsimanngitsunit aningaasaatit katersat, ukiumi ataatsimi ajutooriataarsinnaanermut angusani amigartoortinut ilanngaatitut atorneqartut, ukioq aningaasarsiorfusoq sioqqullugu ukiuni teknikkut immikkoortitanut ajutooriataarsinnaanermut angusani sinneqartoortinit pisuusut.

Imm. 5. Inuunermik soraarnerussutisiaqalernissamulluunniit sillimmasiisarnermik ingerlatseqatigiiffit kiisalu soraarnerussutisiaqalernissamut aningaasaateqarfiit imm. 4 malillugu akileraarnermi tunngavigisassat naatsorsornerini ukiup aningaasarsiorfiusup ingerlanerani aningaasaatini agguanneqanngitsuni ajutooriataarsinnaanermut aningaasartuuteqarnermullu angusani katersani allannguut isiginngitsusuusaarsinnaavaat, allannguut inatsit manna malillugu akileraartalernermt ikaarsaariarnerup kingorna pisimappat. Taamaattorli aningaasaatit agguanneqanngitsut, § 4 imaluunniit imm. 4, oqaaseqatigiit pingajuat, malillugit akileraarutaasussanngortinneqarsimasut tamatigut imm. 4 malillugu akileraarnermi tunngavigisassanik appartitsisarput.

Imm. 6. Imm. 4 malillugu akileraarnermi tunngavigisassat naatsorsornerini aningaasaatit agguanneqanngitsut kiisalu nammieq aningaasaatinit erniat aningaasallu imm. 4 naapertorlugu teknikkut immikkoortitsinernut tunngatinneqartut, taamaallaat tunniunneqarsinnaasunut piffissaq sillimmasersimenerup atorunnaarfissaatut isumaqatigiissutigineqarsimasoq sioqqullugu

sillimmasersimasoq napparsimalerpat, innarluuteqalerpat toquppalluunniit, piffissaq atorunnaarfissatut isumaqtigiiqtaasoq sillimmasersimasup 80-inik ukioqalernerata kingorna ullormit sillimmasersimanermut akiliiffissamit siullermiit kingusinnerunngippat.

Imm. 7. Soraarnerussutisiassat nalinginik illersuinermut akiliutit, § 4 malillugu akileraarnermi tunngavigisassat naatsorsorneqarneranni ilanngaatigineqarsimasut, taamaattoq imm. 4 malillugu akileraarnermi tunngavigisassanik tamatigut annertunerulersitsisarput.

§ 6. Pisassarisanit annaasat ilanngaatigineqarsinnaanngillat pisassarisanit erniatigut isertitat pisassarisanit iluanaarutilluunniit inatsimmut matumunnga ilaatinneqartut marloqiusamik akileraartannginnissamik isumaqtigiiqtaasoq sillimmasersimasup 80-inik ukioqalernerata kingorna ullormit sillimmasersimanermut akiliiffissamit siullermiit kingusinnerunngippat.

§ 7. § 5 malillugu akileraarnermi tunngavigisassat §§-ini 8-12 najoqqutassat malillugit naatsorsorneqassapput.

§ 8. Akileraarnermi tunngavigisassat naatsorsorneqarnerini ukiumi aningaasarsiorfiusumi ernianut aningaasartuutit akileraarnermi tunngavigisassat naatsorsorneqarnerini ilanngaatigineqarsinnaapput. Akileraarutissanulli erniat akileraarnermi tunngavissat naatsorsorneqarnerini ilanngaatigineqarsinnaanngillat.

Imm. 2. Akileraarnermi tunngavigisassat naatsorsorneqarnerini aningaasartuutit ukiumi aningaasarsiorfiusumi pigisat akileraarutaasussat aqunneqarnerannut atorneqarsimasut ilanngaatigineqarsinnaapput, taamaattorli oqaaseqatigiit aappaat takujuk. Sillimmasiinerit ernianit immikkut pissarsiffiusinnaanngitsut eqqarsaatigalugit § 4 malillugu akileraarnermi tunngavigisassanit sillimmasersimanerup allaffissornikkut aqunneqarneranut ukiumi aningaasarsiorfiusumi aningaasartuutaasimasut ilanngaatigineqartassapput. Aningaasartuutit aningaasarsianit akileraarutaasussat pillugit akileraartarnermut inatsisini nalinginnaasumik malittarisassat malillugit naatsorsorneqartassapput. Taamaattoq akileraartarnermi nalikilliliisarnerit pillugit malittarisassat, ingerlatsinermut atortut nalikillilerneqartarneri pillugu malittarisassat eqqaassanngikkaanni, atuutissanngillat.

Kapitali 3

Akileraarnermi tunngavigisassat naatsorsorneqarnerini il.il.

§ 9. Aaqqissuussinermi akileraaruteqaataasussami katersat peqatigiiffimmi imaluunniit peqatigiiffiup immikkoortortaani ilaasortat aningaasaleeqataassutaannut uppermarsaatinik tuniniarneqarsinnaasunik tunniussiviuneq ajortuni aningaasaliissutigineqarpata, ilaasortarlu ingerlaavartumik peqatigiiffiup pigisaanit nalilinnit immikkut naatsorsorlugit ukiumi sinneqartoortutinit pigisaanillu pissarseqataasapput, piginneqataassutinit pissarsiat ilaat akileraaruteqaataasussat naatsorsorneqassapput.

§ 10. Akileraartussaatitaasut § 1, imm. 2-mi taaneqartut, inatsisitigut inuttut isigineqarsinnaasumi, § 26, imm. 4 takujuk,¹ piginneqataassutiminnit pissarsiatik akileraaruteqaataasussat naatsorsorsinnaavaat piginneqataassutiminnit pissarsiamik aamma piginneqataassutiminnit iluanaarutimik annaasamillu imm. 2 malillugu naatsorsukkat katinneattut, taamaattorli imm. 3 aamma 4 takukkit, inatsisitigut inuttut isigineqarsinnaasoq Kalaallit Nunaanni akileraartarnermut malittarisassat malillugit akileraartussaatitaasutut taasaanngippata. Piumasaqaataavoq akileraartussaatitaasup ukiup aningaasarsiorfiusup ingerlanerani arlaatigut inatsisitigut inuttut isigineqarsinnaasumut ingerlatseqatigiiffissuakkut atassuteqarsimannnginnissa, aningaasalersuineq pillugu inatsimmi § 5 naapertorlugu. Oqaaseqatigiit siulliit aappaallu taamatuttaaq atutissapput, aningaasaliissuteqartarnermut peqatigiiffik kontuinnalik aqqutigalugu aningaasaliissuteqartoqarpat.

Imm. 2. Imm. 1-imu taaneqartutut inatsisitigut inuttut isigineqarsinnaasumi piginneqataassutinit iluanaarutit annaasallu ukiup aningaasarsiorfiusup naanerani piginneqataassutit nalingisa aamma ukiup aningaasarsiorfiusup aallartinnerani nalingisa assigiinngissutaattut naatsorsorneqassapput. Ukiup aningaasarsiorfiusup ingerlanerani piginneqataassummik pisineremi iluanaarutit annaasallu naatsorsorneqassapput ukiup aningaasarsiorfiusup aallartinnerani piginneqataassutip nalingata piginneqataassutillu pissarsiarineqarnermini akiata assigiinngissutaattut. Piginneqataassut ukiumi aningaasarsiaqarfiusumi tunineqarsimappat, iluanaarutit annaasallu naatsorsorneqassapput piginneqataassutip tunineqarnermini akiata ukiullu aningaasarsiorfiusup aallartinnerani piginneqataassutip nalingata assigiinngissutaattut. Piginneqataassut ukiumi aningaasarsiaqarfiusumi tassani pissarsiarineqarltillu tunineqarsimappata, iluanaarutit annaasallu naatsorsorneqassapput tunineqarnermini akiata pissarsiarineqarnermilu akiata assigiinngissutaattut.

Imm. 3. Akileraartussaatitaasup naalagaaffimmut allamut, Danmarkimut Savalimmunulluunniit akileraarutit, inatsimmi matumani § 15 malillugu akileraarutissanit ilanngaatigisinnaavaat, akileraarut imm. 1 malillugu akileraarnermi tunngavigisassanut ilanngunneqarsimagaangat. Akileraartussaatitaasup nunamit ataatsimit tassannga isertitaminut tamanut § 15 malillugu akileraarutinit ilanngaatigineqartussamik akileraarummik naatsorsuinissaa piumasaqaataavoq.

Imm. 4. Imm. 1 malillugu akileraarnermi tunngavigisassat appartinneqassapput inatsisitigut inuttut isigineqarsinnaasumi piginneqataassutip nalingata qaffariataata ilaani, akileraartussaatitaasup aningaasartuutaani, akileraartussaatitaasup inatsisitigullu inuttut isigineqarsinnaasup akornanni niuernernut tunngatinneqarsinnaanertik pissutigalugu ilanngaatigineqarsinnaanngitsunik illuatungilerneqartunik. Imm. 1 malillugu akileraarnermi tunngavigisassat ilaneqassapput inatsisitigut inuttut isigineqarsinnaasumi piginneqataassutip nalingata appariaataasa ilaani, akileraartussaatitaasup inatsisitigullu inuttut isigineqarsinnaasup akornanni niuernernut tunngatinneqarsinnaanertik pissutigalugu akileraarutaasussaanngitsunik illuatungilerneqartunik.

Imm. 5. Akileraartussaatitaasup inatsisitigut inuttut isigineqarsinnaasuni piginneqataassutiminit pissarsiani akileraaruteqaataasussat imm. 1 malillugu naatsorsorneqarnissaat toqqarpagu, tamanna akileraartussaatitaasumut pituttuisuovoq, katersat piginneqataassummi inissinneqarsimatillugit, taamaattorli imm. 1, oqaaseqatigiit aappaat takujuk. Imm. 1, oqaaseqatigiit aappaanni piumasaqaatit

¹ Forslag til tilføjelse

naammassineqarsimajunnaarpata, akileraartussaatitaasup kingusinnerusukkut imm. 1 malillugu naatsorsueriaaseq toqqarsinnaanngilaa.

§ 11. § 5 malillugu akileraarnermi tunngavigisassat naatsorsorneqarnerini ukiup aningaasarsiorfiusup ingerlanerani ernianit isertitat ilanngullugit naatsorsorneqassapput. Akileraarutissanut erniat ukiumut akilerneqarfimminkut tunngatinneqassapput.

Imm. 2. Pigisanik aalaakkaasunik imaluunniit inuussutissarsiummik allamik sillimmasiisarnerunngitsumik soraarnerussutiassanullu aningaasaateqarfiunngitsumik ingerlatsinikkut sinneqartoortut amigartoortilluunniit isertitat akileraarutaasussat pillugit akileraartarnermut inatsisini nalinginnaasumik malittarisassat malillugit naatsorsorneqassapput. Illuutinik atortulersuutinillu akileraartarnikkut nalikilliliisarnermut malittarisassat atutissanngillat. Inuussutissarsiummik allamik sillimmasiisarnerunngitsumik soraarnerussutiassanullu aningaasaateqarfiunngitsumik allanut tunniussinermik pissarsiat annaasalluunniit isertitat akileraaruteqaataasussat pillugit akileraartarnermut inatsisini nalinginnaasumik malittarisassat malillugit naatsorsorneqartassapput, taamaattoq imm. 3 takujuk.

Imm. 3. Obligationinit, qularnaveeqqusiuissaqarluni taarsigassarsisimanermut uppernarsaatinit pisassarisanillu allanit, aningaasalersuinissamik isumaqatigiissutinit, aningaasaliissuteqarsimanermut uppernarsaatinit, aktianit, piginneqataassutinit, piginneqataassuteqarnermut uppernarsaatinit aamma obligationinit aktianngortinneqarsinnaasunit kiisalu pigisanit aalaakkaasunit iluanaarutit annaasalluunniit ukiup aningaasarsiorfiusup naanerani pigisap nalillip pineqartup nalingata ukiullu aningaasarsiorfiusup aallartinnerani nalingata assigiississutaattut naatsorsorneqassaaq. Pigisaq nalilik ukiumi aningaasarsiaqarfiusumi pissarsiarineqarsimappat, iluanaarutit annaasalluunniit naatsorsorneqassapput ukiup aningaasarsiorfiusup naanerani nalingata pissarsiarineranilu akiata aningaasanngorlugu nalingata assigiinngissutaattut. Pigisaq nalilik ukiullu aningaasarsiorfiusup aallartinnerani nalingata assigiinngissutaattut. Pigisaq nalilik ukiumi aningaasarsiaqarfiusumi tassani pissarsiarineqarlunilu tunineqarsimappat, iluanaarutit annaasallu naatsorsorneqassapput tunineqarnerani akiata aningaasanngorlugu nalingata pissarsiarineranilu akiata aningaasanngorlunga nalingata assigiinngissutaattut. Aningaasanngortitsinermit pissarsiat aktiaateqarluni ingerlatseqatigiiffinnit, piginneqataassuteqarluni ingerlatseqatigiiffinnit, piginneqatigiiffinnit, aningaasaliissuteqartarnermut peqatigiiffinnit il.il. qaammatisiutit ukiuanni ingerlatseqatigiiffiup inaarutaasumik atorunnaarsinneqarnerani agguaanneqartut tunisinermit pissarsiatut isigineqassapput. Pigisaq nalilik siusinnerusukkut akileraarutaasussaanngitsoq akileraarutaasussanngorpat, pigisaq nalilik akileraartussaatitaalernermeri niuermermi nalimisut pissarsiarineqarsimasutut isigineqassaaq. Pigisaq nalilik siusinnerusukkut akileraarutaasussaasimasoq akileraarutaasussajunnaarpat, iluanaarutit annaasallu naatsorsorneqassapput, pigisap nalillip akileraarutaasussajunnaarnerminini niuermermi nalimisut tunineqarsimasutut. Nunat allat aningaasanngorlugu nalilinnik peqarnermi taakku nalingat danskit koruuninngorlugu naatsorsorneqassaaq.

Imm. 4. Imm. 3, oqaaseqatigiit siulliit, aappaat sisamaallu malillugit naatsorsuinermi immikkoortumi matumani aalajangersakkat taamatuttaaq atutissapput.

Aningaasaliissuteqartfimmit minnerpaamik akileraartartumit minnerpaamik isertitanit timitalimmik tunniussiviuneq ajortumi, timitalimik tunniussisoqannginnera aallaqqaaammut piginneqataassummut ilassutitut, aallaqqaaammut piginneqataassutip pissarsiarineqarnerani pissarsiarineqartutut, akiliuteqarsimannginnermullu naapertuuttumik pissarsiarineqarnermini akilittut, isigineqassaaq. Timitalimmik tunniussisoqannginnera aallaqqaaammut piginneqataassummut ilanngunneqartutut isigineqassaaq aningaasaliissuteqartarfiup naatsorsuutinik ukiumoortumik akuersissuteqarneranit, taamaattorli aningaasaliissuteqartarfiup ukiuata aningaasarsiaqarfiup qaangiunneranit kingusinnerpaamik qaammatit arfinillit qaangiunneranni. Oqaaseqatigiilli aappaat aatsaat atutissaaq, tunniussinnginneq aningaasaliissuteqartfimmit aningaasaliissutitut nutaatut, aningaasaliissuteqartfimmi tigusisussap kisitsisitigut piginneqataassutaasa annertusineranik kinguneqartutut, suliarineqanngippat, imaluunniit aningaasaliissuteqartarfiup pigisaanik aningaasanngortitsineq, aningaasanik aningaasanngortitsinermut atatillugu tunniunneqartunik ilanngunneqartussaq, pineqanngippat. Pissarsiarineqarnerani nalinga aalajangersarneqarsinnaanngippat nalinga 0 kr.-inut inissinneqassaaq. Oqaaseqatigiit siulliit sisamat taamatuttaaq atutissapput akileraartussaatitaasumut, uninngasuuteqarnermik najoqquaqarneq malillugu aningaasaliissuteqartarfinni minnerpaamik akileraartussaatitaasuni aningaasaliissuteqarnermut upernarsaatit nalingisa qaffannerinit akileraartussamit, naak suliffeqarfik aningaasaliissuteqartarfiunngikkaluartoq, timitalimmik tunniussisoqartinnagu.

Imm. 5. Imm. 3 taamatuttaaq akiitsoqarnermi pissarsianut annaasanullu atutissaaq.

Imm. 6. Ingerlatseqatigiiffik nammineq aktiaatinik atorunnaarsitsippat ukiup aningaasarsiorfiusup aallartinnerani aktiat atorunnaarsinneqartut niuerutigineqarnerminni nalingat ukiup aningaasarsiorfiusup aallartinnerani aktiat pineqartut niuerutigineqarnerminni nalinginit peerneqassaaq. Aktiat ukiup aningaasarsiorfiusup ingerlanerani pissarsiarineqarsimasut atorunnaarsinneqarpata, ukiup aningaasarsiorfiusup ingerlanerani nammineq aktiaatinik pissarsiarineqartunik ingerlatseqatigiiffiup pigisaasa tamarmiusut pissarsiarineqarnerminni akiat aktiat atorunnaarsinneqartut aktiallu ingerlatseqatigiiffimmit piginneqartut akornanni taakku amerlassusii naapertorlugin agguataarneqassapput. Nammineq aktiaatinik atorunnaarsitsineq ukiup aningaasarsiorfiusup aallartinnerani aktiat pigineqartut ukiumilu aningaasarsiorfiusumi pissarsiarineqartut akornanni taakku amerlassusii naapertorlugin pisutut isigineqassaaq.

§ 12. Akileraarnermi tunngavigisassat ilaat akileraaruteqaataasussat amigartoorfiusut, akileraarutissat amigartoorfiusut naatsorsorneqassapput ernialiussaq § 2, imm 1-im i taaneqartoq naapertorlugu. Akileraarutissat amigartoorfiusut inatsit manna malillugu ukiuni aningaasarsiorfiusuni tulliuttuni akileraarutissanit ilanngaatigineqarsinnaapput, taamaattorli imm. 2 takujuk. Oqaaseqatigiit aappaat taamatuttaaq atutissaaq ernianut imm. 6 naapertorlugu akileraarutissanut amigartoorfiusunut immikkut kontunut ilanngunneqartunut. Imm. 6 naapertorlugu akileraarutissanut amigartoorfiusunut immikkut kontumi uninngasuutit ilanngaatigineqartassapput,

akileraarutissanit amigartoortiusunit allanit ilanngaateqartoqartinnagu. Ilanngaanerit pisassapput ukiumi aningaasarsiaqarfiusumi sapinngisamik siusinnerpaamik. Nuussisoqartillugu oqaaseqatigiit siulliit naapertorlugit akileraarutissat amigartoortiusut piffissami nuussinermi naapertuuttumik apparitinneqassapput. Naapertuuttumik appartitsineq naatsorsorneqassaaq aningaasanut nuunneqartunut akitsuutip aningaasallu nuunneqartut akornanni pissutsitut. Ukiumi aningaasarsiaqarfiusumi nuussiviusumi akileraarnermi tunngavigisassat, imm. 6 malillugu akileraarutissanik amigartoortiusunik amerlisitsisut ikilisitsisulluunniit, tamatuma kingorna ukiumi aningaasarsiaqarfiusumi akileraarnermi tunngavigisassat tamarmiusut naatsorsorneqarneranni ilanngunneqassanngillat.

Imm. 2. § 1, imm. 2 malillugu akileraartussaatitaasunut imm. 1, oqaaseqatigiit aappaat pingajuallu malillugit akileraarutissat amigartoortiusut erniallu, ukiup aningaasarsiorfiusup, akileraarutissat amigartoortiusut erniallu naatsorsorneqarfisa kingorna ukiuni aningaasarsiorfiusuni tallimani siullerni tulliuttuni ilanngaatigineqarsimannngitsut, tunniunneqassapput, taamaattorli imm. 3 aamma 4 takukkit. Oqaaseqatigiit siulliit malillugit naatsorsuinermi, erniat, akileraarutissanut amigartoortiusunut immikkut kontumut ernialiunneqartut akileraarutissanit amigartoortiusunit naatsorsorneqarfimminnit peqatigalugu pilersimasutut isigineqassapput.

Imm. 3. § 1, imm. 2 malillugu soraarnerussutisianik aningaasaateqarfinnut, aningaasat imm. 2 malillugu tunniunneqartussatut kissaatigineqartut, imm. 2 malillugu aningaasanut siusinnerusukkut tunniunneqarsimasunut katillugit annerpaamik uku katinnerisinnaavaat:

- 1) inatsimmi matumani § 4 naapertorlugu akileraarutit, katillugit ukiuni aningaasarsiorfiusuni qaangiuttuni akilerneqarsimasut,
- 2) imm. 6, oqaaseqatigiit siulliit, naapertorlugu akileraarutissanut amigartoortiusunut immikkut kontumut ernialiunneqarsimasut.

Imm. 4. § 1, imm. 2 malillugu inuunermik soraarnerussutisiaqalernissamullu sillimmasiisarnermik ingerlatseqatigiiffinnut kiisalu soraarnerussutisiaqalernissamut aningaasaateqarfinnut, aningaasat imm. 2 malillugu tunniunneqartussatut kissaatigineqartut, imm. 2 malillugu siusinnerusukkut aningaasanut tunniunneqarsimasunut katillugit annerpaamik uku katinnerisinnaavaat

- 1) inatsimmi matumani § 4 naapertorlugu akileraarutit, katillugit ukiuni aningaasarsiorfiusuni qaangiuttuni akilerneqarsimasut,
- 2) imm. 6, oqaaseqatigiit siulliit, naapertorlugu akileraarutissanut amigartoortiusunut immikkut kontumut ernialiunneqarsimasut.

Imm. 5. Imm. 3 aamma 4 naapertorlugit ukiuni aningaasarsiorfiusuni siusinnerusuni aningaasat qassit katarsorneqarsimanersut naatsorsornerini, akileraarutissat amigartoortiusut siusinnerusukkut imm. 2-4 malillugit tunniunneqarsimasut ilanngullugit naatsorsorneqassapput. Akileraarutissat amigartoortiusut imm. 2-4 malillugit aningaasanut tunniunneqartunut naapertuuttut imm. 1-im malittarisassat malillugit siuartinneqarsinnaanngillat.

Imm. 6. § 1, imm. 2 malillugu akileraartussaatitaasut eqqarsaatigalugit ukiumi aningaasarsiorfiusumi akileraarutissat amigartoortiusut imm. 1, oqaaseqatigiit siulliit, naapertorlugit naatsorsorneqartut ilaat akileraarutissanut amigartoortiusunut nalinginnaasumit kontumit akileraarutissanut amigartoortiusunut immikkut kontumut nuunneqarsinnaapput, ukiumullu ukiup

aninggaasarsiorfiusup naanerani ernialersorneqassallutik, ukiumi aninggaasarsiaqarfiusumi nalinginnaasumik ullormi kingullermi sillimmasersimanermut pisussaaffit uuttorneqarnerisigut Aningaasaqarnermik Nakkutilliisoqarfiup najoqqutassatut ernialiussaani ukiunut tallimanut ernianut naapertuuttumik ernialerlugin. Akileraarutissat amigartoorfiusut taakkununngalu erniat naatsorsorneqartut oqaaseqatigiit aappaat malillugu ukiumi tunniussiviusumi imaluunniit oqaaseqatigiit arfineq-aappaat malillugu ukiumi nuussiviusumi ernialersorneqassangillat. Ukiumi aninggaasarsiaqarfiusumi akileraarutissat amigartoorfiusut ilaat oqaaseqatigiit siilliit malillugit nuunneqartut, annertunerpaamik allanngortitsinermut immikkut tapisiat, soraarnerussutisiaqalernissamut aningaasaateqarfiup ukiumi aninggaasarsiaqarfiusumi aaqqissuussinermik ernianut immikkut tapisiaqarfiusinnaasumit aaqqissuussinermut qularnaveeqquisiinertaqanngitsumut, aaqqissuussinermut 0 pct.-imik qularnaveeqquisiinertalimmum imaluunniit aaqqissuussinermut piumasaqaatitalimmik qularnaveeqquisiinertalimmum 0 pct. sinnerlugu piumasaqaatitaqanngitsumik qularnaveeqquisiinertaqanngitsumut allanngortitsinermut atatillugu sorarnerussutisiaqarsinnaatitaasunut agguassaasa akileraartarnermik nalinganut naapertuuttumik annerpaamik annertussuseqarsinnaavoq. Soraarnerussutisiaqalernissamut aningaasaateqarfiit il.il. § 4-mut ilaatinneqartut eqqarsaatigalugit oqaaseqatigiit pingajuat naapertorlugu oqaaseqatigiit pingajuat malillugu allanngortitsinermut atatillugu immikkut pissarsiat tunniunneqartut akileraartarnikkut nalingat naatsorsorneqassaaq, aningaasat § 4, imm. 2, nr. 1 malillugu ilanngaatigineqarsimasut akileraartarnermi nalingattut, aaqqissuussinernillu § 4, imm. 2, nr. 1-imut ilaatinneqartunik soraarnerussutisiaqarsinnaatitaasunut toqqaannartumik tunniunneqartut akileraartarnikkut nalinginik, allanngortitsinernut immikkut tapisiat tunniunneqarnerannut tunngatinneqarsinnaanngitsunik. Inuunermik sillimmasiisarnermik ingerlatseqatigiiffit il.il. § 5-imut ilaatinneqartut eqqarsaatigalugit oqaaseqatigiit pingajuat malillugu allanngortitsinermut atatillugu immikkut pissarsiat tunniunneqartut akileraartarnikkut nalingat naatsorsorneqassaaq, aningaasat § 5, imm. 4, oqaaseqatigiit siilliit malillugit akileraarnermi tunngavigisassanik appartitsisut ilaattut allanngortitsinermut atatillugu immikkut pissarsiat tunniunneqartunut tunngatinneqarsinnaasut akileraartarnermi nalingattut. Akileraarutissanut amigartoorfiusunut immikkut kontumi uninngasuutit ukiup aninggaasarsiorfiusup naanerani uninngasuutit ernialersorneqarnerannik qaffanneqassaaq, apparinnejqassallunilu kisitsimmik akileraarutissanut amigartoorfiusunut immikkut kontumi aningaasanut imm. 1 naapertorlugu §§-it 4 imaluunniit 5 malillugu ukiumi aninggaasarsiaqarfiusumi akileraarutissanit ilanngaatigineqarsimasunut kiisalu imm. 2 naapertorlugu akileraarutissanut amigartoorfiusunut immikkut kontumit aningaasanut tunniunneqarsimasunut naapertuuttumik. Akileraarutissat amigartoorfiusut taakkulu ilaat akileraarutissanut amigartoorfiusunut immikkut kontumut erniat naatsorsorneqartut, imm. 2 naapertorlugu §§-it 4 imaluunniit 5 malillugit ukiumi aninggaasarsiaqarfiusumik akileraarutissanut ilanngaatigineqarsimanngitsut imaluunniit imm. 2 malillugu tunniunneqarsimanngitsut, akileraarutissanut amigartoorfiusunut nalinginnaasumut kontumut nuunneqassapput, ukiup aninggaasarsiorfiusup akileraarutissat amigartoorfiusut naatsorsorneqarfiata kingorna ukiut aninggaasarsiaqarfiusut arfernganni.

§ 13. Imm. 2-4-mi malittarisassat atuutissapput,

- 1) suliffeqarfiup akileraartussaatitaasup pigisani nalillit akiitsunilu tamarmiusut suliffeqarfimmum akileraartussaatitaasumut allamut tunniuppagit,
- 2) suliffeqarfiit akileraartussaatitaasut marluk arlallilluunniit suliffeqarfimmum akileraartussaatitaasumut ataatsimut kattunneqarpata,
- 3) suliffeqarfik akileraartussaatitaasoq suliffeqarfinnut akileraartussaatitaasunut namminersortunut marlunnut arlalinnulluunniit avinneqarpat,
- 4) suliffeqarfiup akileraartussaatitaasup inuunermik sillimmasiissutaatini aningaasalersuinermik ingerlatsineq pillugu inatsimmi § 204 malillugu suliffeqarfimmum akileraartussaatitaasumut allamut tunniuppagit, imaluunniit
- 5) allaffissornikkut pigisanik aqtsisup inuunermik sillimmasiisarnermik ingerlatseqatigiiffiup sillimmasiissutaataasa imaluunniit soraarnerussutisiaqalernissamut aningaasaateqarfiup soraarnerussutisiaqalernissamut neriorsuutaasa allaffissornikkut aqunneqarnerat ingerlateqqippagat.

Imm. 2. Suliffeqarfiup tigusisup suliffeqarfiup tunniussisup akileraartarnikkut inisisimanera tigullugu ingerlateqqissavaa, ukiumut aningaasarsiaqarfiusumut siullermut inaarutaasumik akileraarutissanik naatsorsuineq siulleq ingerlatitseqqiinermi sunnerneqarsimasoq tamanna aallaavigalugu ilusilersorneqarsimappat.

Imm. 3. Tunniussinermut atatillugu suliffeqarfimmum tigusisumut pigisanik akiitsunillu naatsorsuusiat ullulerneqarnerat akileraartarnikkut ullutut tunniussivittut isigineqassaaq. Imm. 1-im 2-milu malittarisassat atorneqarnissaannut piumasaqaataavoq ullup tunniussiviusup suliffeqarfiup tigusisup ukiumut naatsorsuuteqarfiata aallartinneqarfianut ullormut naapertuuttuunissaa.

Imm. 4. Ukiumut aningaasarsiaqarfiusumut siullermut ingerlatitseqqiinermi attorneqartumut inaarutaasumik akileraarutissanik naatsorsuinermet peqatigitillugu, tunniussinermut atatillugu allagaatit suliarineqarsimasut assilineqarneri akileraartarnermik ingerlatsivimmum nassiuunneqassapput.

Imm. 5. Suliffeqarfik tunniussisoq ingerlaqqitorlu inatsit manna taamatullu aamma aningaasarsianit akileraarutit pillugit inatsit malillugit akileraartussaappata, aningaasarsianillu akileraarutit pillugit inatsimmi kapitali 5-im 1-mi malittarisassat malillugit tunniussisoqarpat imm. 1-im, nr. 1-4-mi taaneqartutut, tunniussineq taamatuttaaq imm. 1-4 malillugit pisinnaavoq.

Suliffeqarfiit inatsit manna aningaasarsianillu akileraarutit pillugit inatsit malillugit akileraartussaatitaasut akornanni tunniussinermut imm. 4, nr. 1-4-mi taaneqartutut imm. 2-4 atorneqarsinnaaneranut piumasaqaataavoq, tunniussinerup taamatuttaaq aningaasarsianit akileraarutit pillugit inatsimmi kapitali 5 malillugu pinissaa.

§ 14. Soraarnerussutisiaqalernissamut aningaasaateqarfimmik imaluunniit inuunermik soraarnerussutisiaqalernissamillu sillimmasiisarnermik ingerlatseqatigiiffimmik akileraarutaasussamik ingerlatseqatigiiffimmum aqutamut nutaamut pilersinneqartumut, soraarnerussutisiaqalernissamut aningaasaateqarfiup imaluunniit inuunermik soraarnerussutisiaqalernissamillu sillimmasiisarnermik ingerlatseqatigiiffiup aktianik piginneqataassutinilluunniit tamanik piginnittuuffigiligaanut, tunniussinermi

soraarnerussutisiaqalernissamut aningaasaateqarfiup imaluunniit inuunermik
soraarnerussutisiaqalernissamillu sillimmasiisarnermik ingerlatseqatigiiffiup aalajangersinnaavaa,
tunniussineq, pissutsit oqaaseqatigii aappaani taaneqartut eqqarsaatigalugit,
ingerlatseqatigiiffimmut aqutamut pigisanut nalilinnut akiitsuinullu naatsorsuutit pilersitsinermut
atatillugu suliarineqarsimasut atuutilerfiannit akileraartarnikkut sunniuteqartinneqassasut,
ingerlatseqatigiiffiup aqutap ukioq naatsorsuuteqarfia ullormit tassannga aallartippat ullorlu taanna
soraarnerussutisiaqalernissamut aningaasaateqarfiup imaluunniit inuunermik
soraarnerussutisiaqalernissamillu sillimmasiisarnermik ingerlatseqatigiiffiup pilersitsineq
sioqqullugu nalinginnaasumik ukiuata aningaasarsiorfiusup kingulliup naanerata kingorna
inisisimappat. Tunniussineq naatsorsuutit ullormit naatsorsuutit aallartinneqarfiannit
akileraartarnikkut sunniuteqartinneqalissappat, soraarnerussutisiaqalernissamut aningaasaateqarfiup
imaluunniit inuunermik soraarnerussutisiaqalernissamillu sillimmasiisarnermik
ingerlatseqatigiiffiup ulloq taanna pigisaasa akiitsuisalu niuerutigineqarnerminni nalingat
soraarnerussutisiaqalernissamut aningaasaateqarfiup imaluunniit inuunermik
soraarnerussutisiaqalernissamillu sillimmasiisarnermik ingerlatseqatigiiffiup tunineqarnermini
akiata naatsorsorneqarneranut tunngaviussaaq, soraarnerussutisiaqalernissamut
ningaasaateqarfimmik imaluunniit inuunermik soraarnerussutisiaqalernissamulluunniit
sillimmasiisarnermik ingerlatseqatigiiffimmik tunniussineq ulloq taanna niuerutigineqarnermi
nalertik tunngavigalugu ullormi naatsorsuutit aallartiffianni pisimappat. Tunniussinerup
akileraartarnikkut kingumoortumik atuutsinnejqarsinnaanerat piumasaqaataavoq, naatsorsuutit
aallartiffiattut ullup toqcarneqarsimasup kingorna qaammatit arfinillit qaangiutsinnagit
pilersitsinerup pisimanissa, taamatullu aamma ingerlatseqatigiiffiup pilersitsinerup kingorna
qaammat ataaseq qaangiutsinnagu allagaatit tamatumunngat atatillugu suliarineqartussatut
ingerlatseqatigiiffiit pillugu inatsisini piumasaqaataasut assilinerinik akileraartarnermik
ingerlatsivimmut, kiisalu ingerlatseqatigiiffiup Inuuussutissarsiornermik ingerlatseqatigiiffinnillu
Aqtsisoqarfimmik nalunaarsorneqartussat nalunaarutigineqarsimaneranut uppernarsaammik,
nassiussaqarnissa, taamaattoq imm. 5 takujuk. ingerlatseqatigiiffiup aqutap akileraartussaatitaanera
atuutilissaq ullormit tunniussinerup imm. 1 naapertorlugu atuuttussanngortinnejqarneranit.
Suliffeqarfik inatsit manna taamatullu aamma aningaasarsianit akileraarutit pillugit inatsit malillugu
akileraartussaatitaappat, tunniussineq ullormit tassannga inatsimmut matumunng
ningaasarsianillu akileraarutit pillugit inatsimmut atatillugu akileraartarnikkut
sunniuteqartinneqassaaq.

Imm. 2. Soraarnerussutisiaqalernissamut aningaasaateqarfiit imaluunniit inuunermik
soraarnerussutisiaqalernissamillu sillimmasiisarnermik ingerlatseqatigiiffiit akornanni
aktiaateqarluni ingerlatseqatigiiffinnut malittarisassat atuuttut naapertorlugit
akileraarfiusussaatitaasumik kattunneq akileraartarnikkut sunniuteqalissaq piffissamit,
soraarnerussutisiaqalernissamut aningaasaateqarfiit imaluunniit inuunermik
soraarnerussutisiaqalernissamillu sillimmasiisarnermik ingerlatseqatigiiffiit peqataasut
kattunnermik inaarutaasumik akuersissuteqarfiannit.

Imm. 3. Suliffeqarfiilli aalajangersinnaavaat, kattunneq, pissutsit oqaaseqatigiit aappaanni taaneqartut eqqarsaatigalugit, kattunnermut atatillugu suliffeqarfimmum tigusisussamut pigisanut akiitsunullu naatsorsuusiarineqarsimasup ulluanit akileraartarnikkut sunniuteqartinneqassasoq, ulloq taanna suliffeqarfiup tigusisussap naatsorsuutinut ukiuanut naapertuuppat. Kattunneq naatsorsuutit ulluannit akileraartarnikkut sunniuteqartinneqassappat, ulloq taanna suliffeqarfiup aningaasaliisup nalinga, suliffeqarfimmi aningaasaliisumi aktianut piginneqataassutinulluunniit akiliuteqartumut ersersinneqartutut, suliffeqarfiup aningaasaliisup tunniunneqarnermini nalingata kiisalu suliffeqarfiup tigusisussap pigisanik akiitsunillu tunniunneqartunut pissarsinermini nalingata naatsorsorneqarnerinut tunngavagineqassaaq, suliffeqarfiullu tigusisussap isertitanik naatsorsuusiornermini ilanngutissavai isertitat aningaasartuutilu suliffeqarfimmum tunngasutut isigineqarsinnaasut, suliffeqarfiit kattunneqarnerat ulloq taanna nalillit tunngavigalugit pisimasuuppat. Kattunnerup akileraartarnikkut kingumoortumik atuutsinneqarsinnaaneranut piumasaqaataavoq ullormit suliffeqarfiit peqataasut kattunnerup suliffeqarfinni peqataasuni tamani akuersissutigineqarneranit qaammat ataaseq qaangiutsinnagu, ingerlatseqatigiiffit pillugit inatsisini piumasaqaataasut malillugit allagaatit kattunnermut atatillugu sularineqarsimasut assilinerisa, kiisalu suliffeqarfinni peqataasuni kattunnerup inaarutaasumik akuersissutigineqarsimaneranut uppermarsaatnik akileraarnermik ingerlatsivimmut nassiussisoqarnissaa, taamaattorli imm. 4 takujuk.

Imm. 4. Inatsisartut inatsisaat manna taamatullu aamma aningaasarsianit akileraarutit pillugit inatsit malillugu suliffeqarfiit akileraartussaatitaappata, tunniussineq Inatsisartut inatsisaannut matumunnga aningaasarsianullu akileraarutit pillugit inatsimmut atatillugu ullormit tassannga akileraartarnikkut sunniuteqartinneqassaaq.

Imm. 5. Akileraartarnermik ingerlatsiviup imm. 1-mi qaammammik ataatsimik piffissamik sippuineq isiginngitsusaarsinnaavaa.

§ 15. Akileraarutit naalagaaffimmut allamut, Danmarkimut Savalimmiunulluunniit akilerneqarsimasut aningaasarsianit akileraarutit pillugit inatsimmi § 69 malillugu inatsit manna malillugu akileraarutissanit ilanngaatigineqarsinnaapput. Isertitat Kalaallit Nunaanni akileraaruserneqartut tamarmik, akileraarnermi tunngavigisassatut, § 12 naapertorlugu akileraarutissat amigartoorfijunnartut aamma imm. 3 malillugu akileraarutaajunnartut ilanngaatigereerlugit inatsit manna malillugu akileraarutissamut naapertuuttumik naatsorsorneqassapput.

Imm. 2. Akileraartussaatitaasut pigisamit nalilimmit iluanaarutit annaasallu inatsit manna malillugu akileraaruserneqarnissaannut konteqarsinnaapput, pigisamut nalilimmut pineqartumut atatillugu iluanaarutit annaasallu naalagaaffimmi allami, Danmarkimi Savalimmiuniluunniit akileraaruserneqarsinnaappata pissarsiallu naatsorsorneqarneranni iluanaarutit annaasallu toqqortaqarnermik najoqquaqarneq malillugu ilanngullugit naatsorsuutigineqarsimappata. Kontumut ilaatinneqassapput akileraartussaatitaasup nunani allani pigisaminuit nalilinnit akileraarutai pigisamit nalilimmit iluanaarutit akileraarutaannut naapertuuttut imm. 1-ilu malillugu

ilanngaatigineqarsimangitsut. Naalagaaffimmut allamut, Danmarkimut Savalimmiunulluunniit akileraarutit ingerlaavartumik naleqarnerulererit imm. 1 malillugu ilanngaatigineqarsinnaasunit amerlaneruppata akileraartussaatitaasup akileraarutai pigisamit nalilimmit iluanaarutinut naapertuuttut inatsit manna malillugu akileraartussaatitaasup allatigut akileraarutissaanit ilanngaatigineqarsinnaapput. Uninngasuutit aningaasanik ilanngaatigineqartumik ikilisinneqassapput. Aningaasat ilanngaatigineqarsinnaasut akileraartussaatitaasup inatsit manna malillugu akileraarutissaanut allanut ilaatinneqarsinnaanngitsut aningaasanngorlugit tunniunneqassapput. Pigisamit annaasaqartoqarsimappat akileraarutissanik amigartoorfiusunik naatsorsuisoqassaaq naatsorsuutit inernerinit ilanngaatigineqartussamik.

Imm. 3. Inatsit manna malillugu akileraarut imm. 1 naapertorlugu nunanut allanut akileraarutinit ilanngaatigineqartunit minneruppat, akileraartussaatitaasut akileraarutit naalagaaffimmut allamut, Danmarkimut Savalimmiunulluunniit akilersimasaat ukiumi akileraarutissanit ilanngaatigineqarsinnaanngitsut, inatsit manna malillugu akileraarutissat amigartoorfiu junnartut peqatigalugit siuartissinnaavaat. Aningaasat siuartinneqarsinnaasut imm. 1 malillugu naatsorsorneqassapput, taakkuullutillu naalagaaffimmut allamut, Danmarkimut Savalimmiunulluunniit akileraarutit akilerneqarsimasut minnerpaaffii imaluunniit nunanit allanit pissarsianit oqilisarneqarsinnaasunit sinneqartoortutinit Kalaallit Nunaannut akileraarutit. Oqilisaassinerit aatsaat siuartinneqarsinnaapput uppermarsarneqarsinnaappat isertitanit taakkuninnga nunani allanit akileraarutissanik oqilisaassisqarsimanngitsoq.

Imm. 4. Soraarnerussutisiani aningaasaateqarfii inuunermillu sillimmasiisarnermik ingerlatseqatigiiffit aningaasarsianit akileraarutit pillugit inatsit malillugu akileraartussaatitaasut eqqarsaatigalugit imm. 1 malillugu ilanngaat § 5 malillugu akileraarutissamit ilanngaatigineqarsinnaavoq, ilanngaat aningaasarsianit akileraarutit pillugit inatsit malillugu akileraarutissanit ilanngaatigineqarsimanngippat.

Kapitali 4

Akiliisitsiniartarneq il.il.

§ 16. § 1, imm. 2 malillugu akileraartussaatitaasut, soraarnerussutisiaqalernissamut aaqqissuussinernik § 1, imm. 1-imut ilaatinneqartunik neqeroorutillit, ukiup aningaasarsiorfiusup naanerata kingorna kingusinnerpaamik ulloq 31. maj akileraarnermi tunngavigisassat taakkulu ilaannut akileraarusigassanut kiisalu ukiumut aningaasarsiaqarfiusumut akileraarutissat ataatsimut naatsorsorneqarnerannik akileraartarnermik ingerlatsivimmut tunniussissapput. Ukiumut aningaasarsiaqarfiusumut inaarutaasumik akileraarutissat naatsorsorneqarsimasut ukiup aningaasarsiaqarfiusup kingorna ukumi februaarip ulluisa 20-annit ernialersorneqalissapput akilerneqarnissaasa tungaannut, taamaattorli oqaaseqatigiit sisamaat tallimaallu takukkit. Akileraarutissat ernianik naatsorsorneqarsimasunik ilallugit naatsorsuutip nassiunneqarnerat peqatigalugu akilerneqassapput. Akileraarutissat akiitsut erniat naatsorsorneqarsimasut ilanngullugit inaarutaasumik naatsorsuinerup nassiunneqarneranut peqatigitillugu akilerneqassapput. Akileraarutaavallaarsimasut ernialerlugit utertillugit akilerneqassapput. Oqaaseqatigiit aappaat

malillugu erniat, ukiup aningaasarsiorfiusup tullianut ernianut § 22, imm. 5-imi taaneqartunut naapertuupput. Oqaaseqatigiit tallimaat malillugu erniat, ukiup aningaasarsiorfiusup tullianut ernianut procentpointinik 3,5-inik ilanngarlugit § 22, imm. 5-imi taaneqartunut naapertuupput. Oqaaseqatigiit tallimaat malillugu erniat O pct.-imit minnerulersinnaanngillat. Akileraarutissat kingusinaartumik akilerneqarpata, oqaaseqatigiit aappaat malillugu erniat taamaattoq ullormut piffissaq eqqortumik akiliiffissaq kingulleq kisiat ilanngullugu naatsorsorneqassapput.

Imm. 2. Suliffeqarfiup soraarnerussutisiaqalernissamut aaqqissuussinermik § 1 imm. 1-imut ilaatinneqartumik isumaqatigiissuteqarfingeqarsimasup § 3, imm. 1-8 malillugit akileraarnermi tunngavigisassat naatsorsorneqarnissaat pisussaaffigaa. Sillimmasiinerit ernianut immikkut pissarsiassartallit eqqarsaatigalugit suliffeqarfiup akileraarutissat unerartissavai toqqartanut, immikkut pissarsiassanut immikkoortitanut imaluunniit soraarnerussutisialinnut tapisianik toqqartanut aningaasanik ikisisoqartinnagu. Sillimmasiinernut ernianut immikkut pissarsiassartaqanngitsunut suliffeqarfiup akileraarutissat unerartissavai toqqartanut akileraarutinut tunngasumi imm. 1 malillugu ernianik ilallugit, akileraarutit akilerneqarnissaat sapaatip akunneranik ataatsimik sioqqullugu, taamaattorli piffissaq eqqorlugu akiliiffissaq kingulleq sioqqullugu sapaatip akunnera ataaseq qaangiutsinnagu. Suliffeqarfiup akileraarutaasussat unerartissavai, aamma naak soraarnerussutisiaqarsinnaatitaasup toqqorsiviani tigoriaannarnik aningaasaqanngikkaluartoq. Soraarnerussutisiaqarsinnaatitaasup aningaasat soraarnerussutisiaqartussaatitaasoq sinnerlugu atorsimasai ernialersorneqassapput erniamik § 22, imm. 5, oqaaseqatigiit aappaanni taaneqartumik, piffissamiit suliffeqarfiup atuisimaneq pillugu kontoqartumut allakkatigut ilisimatitsissuteqarfingisaanit. Ernianut aningaasartuut tamanna soraarnerussutisiaqarsinnaatitaasup isertitaasa akileraarutaasussat naatsorsornerini ilanngaatigineqarsinnaanngilaq. Aaqqissuussinernut tamanut akileraarutissat naatsorsorneqassapput. Suliffeqarfiup ukiut tamaasa ukiumut aningaasarsiaqarfiusumut qaangiuttumut akileraarutissanik naatsorsorneqarsimasunik akileraartussaatitaasoq ilisimatittassavaa.

§ 17. Ukiup aningaasarsiorfiusup ingerlanerani soraarnerussutisiaqalernissamut aaqqissuussininerit § 1, imm. 1-imi taaneqartut atorunnaarsinneqarnerini suliffeqarfik akileraarnermi tunngavigisassanik taakkulu ilaannik akileraarutaasussanik inaarutaasumik naatsorsuuusiussaaq, taamaattorli imm. 3 takujuk. Suliffeqarfiup akileraaruteqaataasussat unerartissavai akileraartarnermillu ingerlatsivimmut nalunaarutilgalugillu akilissallugit, pineqartut akileraarutaasussasut suliffeqarfimmit tunniunneqarnerinit ullut nalinginnaasut pingasut qaangiutinnginnerini. Atorunnaarsitsineq tunniussisoqarneranik malitseqanngippat suliffeqarfiup pineqartup akileraarutissat unerartissavai akileraarnermillu ingerlatsivimmut nalunaarutilgalugillu akilissallugit atorunnaarsitsinerup suliffeqarfimmit ilisimaneqalerneraniit qaammat ataaseq qaangiutsinnagu. Akileraarutissat akilerneqarnerannut peqatigitillugu suliffeqarfiup akileraartussaatitaasoq akiliisimanermik ilisimatissavaat. Soraarnerussutisiaqalernissamut katersanut kontumut akileraarnermi tunngavigisassat inaarutaasumik naatsorsorneqarnerini pappiara nalilik tunineqartutut isigineqassaaq piffissami kontup atorunnaarfiani niuerutigineqarnermini nalinganut naapertuuttumik. Naatsorsuuusiornermi tamatumani erniat akilerneqartussat saniatigut

ilanngunneqassapput atorunnaarsitsinermi ernialiunneqarsimasut akiligassanngorsimanngitsulli. Soraarnerussutisiaqalernissamut aaqqissuussinermut § 4 malillugu pissarsianik akileraarutaasussanik naatsorsuisussamut akileraarnermi tunngavigisassat inaarutaasumik naatsorsorneqarneranni ukiup aningaasarsiorfiusup ingerlanerani pissarsiat akileraaruteqaataasussat ilanngussimasut ilanngunneqassapput.

Imm. 2. Piffissaliussap imm. 1-imi taaneqartup naanerani akileraarutit suli akilerneqarsimannngippata, piffissaliussap naaneraniit akiliisoqarnissaata tungaanut erniat suliffeqarfiup akilissavai. Erniaq akileraartarnermik ingerlatsinermik inatsimmi § 43, imm. 1 malillugu erniamut naapertuuppoq.

Imm. 3. Aningaasarsianit akileraarutit pillugit inatsimmi § 45, imm. 1 malillugu nuussinernut atatillugu katersaqartarnermik aaqqissuussinerit § 1, imm. 1-imi taaneqartut atorunnaarneri imm. 1 atorneqassanngilaq. Taarsiullugu suliffeqarfik nuussivigineqartoq ukumi aningaasarsiaqarfiusumi januaarip aallaqqaataaniit ukumi aningaasarsiaqarfiusumi decembarip ulluisa 31-iat ilanngullugu naatsorsuusiussaaq. Aaqqissuussinermik nuussineq malitseqassappat ukiup aningaasarsiorfiusup ingerlanerani naatsorsueriaatsip allanngortinneqarneranik, sillimmasiissutit allatut naatsorsorneqartalersut nutaamik naatsorsueriaaseqalernermut ikaarsaariarnermiit akileraarnermi tunngavigisassat naatsorsorneqassapput. Akileraarut naatsorsorneqassaaq, uninngatinneqassaaq tunniunneqarlunilu § 16 malillugu akileraarutip ilaatus. § 4 malillugu akileraarusersuinermut ikaarsaariarnermi sillimmasiissummi toqqortat nalingat § 4, imm. 1 naapertorlugu ukiup aningaasarsiorfiusup aallartinnerani sillimmasiissummi toqqortat nalingattut isigineqassaaq.

§ 18. Akileraartussaatitaasut § 1, imm. 2-mi taaneqartut akileraartussaatitaanerat, toqukkut qimagunnermik pissuteqanngitsumik, atorunnaarpal, suliffeqarfiup akileraarnermi tunngavigisassat taakkulu ilaak akileraaruteqaataasussat inaarutaasumik naatsorsussavai. Suliffeqarfiup akileraarutaasussat unerartissavai akileraartussaatitaanerullu atorunnaarnerata ilisimaneqalerneranit qaammat ataaseq qaangiutsinnagu akileraartarnermik ingerlatsivimmut nalunaarutigalugillu akilissallugit. Akileraarutissat akilerneqarneranut peqatigitillugu suliffeqarfiup akileraartussaatitaasoq akiliisimaneq pillugu ilisimatissavaa. Soraarnerussutisiaqalernissamut katersanut kontumut akileraarnermi tunngavigisassat inaarutaasumik naatsorsorneqarneranni pappiaqqat nalillit akileraartussaatitaanerup atorunnaarnera ilutigalugu atorunnaartutut isigineqassapput atorunnaarsitsinermi niuerutigineqarnermi naligitinneqartumut naapertuuttumik. Naatsorsuinermi tamatumani ernianut akilerneqartussanngorsimasut saniatigut ilanngunneqassapput erniat atorunnaarsitsinermi ernialiunneqarsimasut massakkulli akilerneqartussaanngitsut. Soraarnerussutisiaqalernissamut aaqqissuussinermut § 4 malillugu pissarsianik akileraaruteqaataasussanik naatsorsuisussamut akileraarnermi tunngavigisassat inaarutaasumik naatsorsorneqarneranni pissarsiat akileraaruteqaataasussat ilaak ukumi aningaasarsiaqarfiusumi ilanngussimasut ilanngunneqassapput. § 17, imm. 2 taamaaqataanik atutissaaq.

Imm. 2. Ukiup aningaasarsiorfiusup, akileraartussaatitaasut § 1, imm. 1-imi taaneqartut toqukkut qimagunnermik pissuteqanngitsumik akileraartussaatitaanerisa naaffiata, naanerani, § 12 naapertorlugu akileraarutissanik amigartoorfiusunik uninngasoqarpat, akileraarutissat

amigartoorfiusut atorneqarsinnaapput akileraarutissanit sinneqartoorfiusunit ilanngaatitut § 1, imm. 1 malillugu akileraartussaatitaaneq atuutileqqissagaluarpat. Soraarnerussutisiaqalernissamik aaqqissuussineq § 1, imm. 1 malillugu akileraartussaatitaanerup atorunnaarnerata kingorna akileraartussaatitaaneq § 1 imm. 1 malillugu atuutileqqigani atorunnaarsinneqarpat § 20 atorneqassaaq.

§ 19. Akileraartussaatitaasut § 1, imm. 2-mi taaneqartut akileraartussaatitaanerat atorunnaarpat, tamatuma kingorna qaammatit pingasut qaangiutsinnagit akileraarnermi tunngavigisassat taakkunanngalu akileraarutaasussat inaarutaasumik naatsorsorneqarnerannik kiisalu ukiumut aningaasarsiaqarfiusumut ingerlasumut ukiunullu aningaasarsiaqarfiusunut qaangiuttunut akileraarutissanik akileraartarnermik ingerlatsivimmut tunniunneqassaaq, tamatumunnga inaarutaasumik naatsorsummik tunniussaqartoqarsimanngippat. Akileraarutissat akiligassat imm. 2 malillugu ernialiunneqarsimajunnartunit ilallugit naatsorsuutinut nassiunneqarnerinut peqatigitillugu akilerneqassapput. Akileraarnermi tunngavigisassat inaarutaasumik naatsorsorneqarneranni aningaasat pappiaqqanik nalillit akileraartussaatitaanerup atorunnaarnerani tunineqartutut naatsorsuutigineqassapput akileraartussaatitaanerup naanerani niuerutigineqarnerminni nalingannut naapertuuttumik aningaasartalerlugit.

Imm. 2. Ukiumut aningaasarsiaqarfiusumut qaangiuttumut inaarutaasumik akileraarutissat naatsorsorneqarsimasut ernialersorneqalissapput ukiumi aningaasarsiaqarfiusumik ingerlasumi februaarip ulluisa 20-anniit akiliisoqarnissaata tungaanut. Ukiumut aningaasarsiaqarfiusumut ingerlasumut ernianut § 22, imm. 5-imi taaneqartumut naapertuuttumik ernialersuisoqassaaq. Akileraarutissat kingusinaartumik akilerneqarpata taamaattoq oqaaseqaatigiit siullit malillugit taamaallaat ernialersuisoqassaaq ullormut piffissaatillugu akiliuteqarfiusinnaasumut kingullermut. Ukiumut aningaasarsiaqarfiusumut akileraarutissat piffissaatillugu akilerneqarpata ernialersuisoqassanngilaq. Piffissarititap imm. 1-imi taaneqartup qaangiutinnginnerani akileraarutissat akilerneqanngippata, § 23 malillugu ernialersuisoqassaaq akiliisoqarnissaa tungaanut.

Imm. 3. Imm. 1 aamma 2 taamatuttaaq atuutissapput akileraarutinut akileraartussaatitaasut § 1, imm. 2-mi taaneqartut § 1, imm. 1 malillugu soraarnerussutisiaqalernissamut aaqqissuussinernut unerartitaannut.

§ 20. Ukiup aningaasarsiaqarfiusup naanerani, soraarnerussutisiaqalernissamut aaqqissuussinerit, § 1, imm. 1-imi taaneqartut arlaata uninnerani, imaluunniit akileraartussaatitaasut § 1. imm. 2-mi taaneqartut ilaata akileraartussaatitaanerata uninnerani, § 12 naapertorlugu akileraarutissanik amigartoorfiusunik uninngasoqarpat, ukiuni aningaasarsiorfiusuni tullerni akileraarutissanit ilanngaatitut atorneqarsinnaannngitsunik, § 12, imm. 2-5-ilu malillugit tunniunneqarsinnaannngitsunik, aningaasat akileraarutissanut amigartoorfiusunut naapertuuttut, aaqqissuussinermut suliffeqarfimmulluunniit tunniunneqarsinnaapput, taamaattorli imm. 2 takujuk. Taamaattorli annerpaamik tunniunneqarsinnaapput aningaasat inatsit manna malillugu akileraarutinut, soraarnerussutisiaqalernissamut aningaasaatit ilaasa il.il. akileraaruserneqartarnerat

pillugit inatsit (soraarnerussutisiaqalernissamut aningaasaateqarfinit pissarsiat akileraaruserneqartarnerannik inatsit) malillugu akileraarutinut aamma qularnaveeqquusiilluni ernianut akitsuutit pillugit inatsit malillugit akitsuummut, ukioq amigartoorfiusumik akileraarfiusimasoq atorneqarsimanngitsunik siulleq sioqqullugu ukiuni aningaasarsiaqarfiusimasuni tallimani akiliutigineqarsimasunut naapertuuttut.

Imm. 2. Imm. 1 taamatuttaaq atuutissaaq soraarnerussutisiaqalernissamut aaqqissuussinermik § 18, imm. 2, oqaaseqatigiit aappaanni taaneqartumik atorunnaarsitsinermi.

§ 21. Naatsorsuinerit nassiunneqarnissaannut akileraarutissallu akilerneqarnissaannut ulloq piffissaliussaq kingulleq nalliuuttuppat arfininngornerulluniluunniit piffissaliussaq ullormut nalinginnaasunut tulliuttumut siullermut sivitsorneqassaaq.

§ 22. Akileraartarnermik ingerlatsiviup §§-it 16-20 malillugit naatsorsuutit akileraarutissanillu naatsorsuinerit nakkutigissavai. Akileraartarnermik ingerlatsiviup §§-it 16-20 malillugit inaarutaasumik naatsorsuutit naatsorsuinerilluunniit eqqunngitsutut isigunigit allangortissinnaavai.

Imm. 2. Akileraartarnermik ingerlatsiviup naatsorsuutinik nassiusisimasoq akileraarutissanik allangortitsinerusinnaasunik tamatumunngalu tunngavilersuutinik kiisalu akileraaruserinermik ingerlatsineq pillugu inatsimmi malittarisassat malillugit Akileraarusiinernik Aalajangiisartunut naammagittaalliuuteqarsinnaanermik ilisimatissavai. Soraarnerussutisiaqalernissamut aaqqissuussinermik, § 1, imm. 1-imi taaneqartut, akileraarutissaasa allangortinneqarnerat pineqarpat soraarnerussutisiaqalernissamut aningaasaateqarfiup il.il. tamanna akileraartussaatitaasumut nalunaarutigissavaa, soraarnerussutisiaqalernissamut aningaasaateqarfiup il.il. akileraarutissat allangortinneqarnerannik nalunaarummik tigusineranit sapaatit akunneri sisamat qaangiutsinnagit.

Imm. 3. Soraarnerussutisiaqarsinnaatitaasoq akileraartussaatitaasoq isumaqarpat soraarnerussutisiaqalernissamut aningaasaateqarfiup il.il. akileraarnermi tunngavigisassanik naatsorsuusiorismanera akileraarutissanilluunniit naatsorsuisimanera eqqunngitsoq, akileraartussaatitaasup akileraartarnermik ingerlatsineq pillugu inatsimmi malittarisassat malillugit apeqqut Akileraarusiinernik Aalajangiisartunut tunniussinnaavaa, § 16 aamma § 17, imm. 1 malillugit ilisimatinneqarnermiit qaammatit pingasut qaangiutinnginneranni.

Soraarnerussutisiaqarsinnaatitaasup soraarnerussutisiaqalernissamut aningaasaateqarfimmit il.il. akileraarutissat naatsorsorneqarsimanerat pillugu nalunaarummik ilanngussissaaq, oqaatigalugulu immikkoortuni suni soraarnerussutisiaqarsinnaatitaasoq isumaqarnersoq akileraarutissaq kukkusumik naatsorsorneqarsimanersoq taamatullu aamma soraarnerussutisiaqalernissamut aningaasaateqarfik il.il. tamatumunnga qanoq oqaaseqaateqarsimanersoq.

Imm. 4. Allanngortitsineq inaarutaasumik akileraaruteqaataasussat appartinneqarnerannik malitseqarpat, aalajangiinermiit sapaatit akunneri arfinillit qaangiutsinnagit akileraarutaavallaarsimasut utertillugit tunniunneqassapput. Akileraarutaareersut qaavatigut akileraarutaasussat akileraarutissat allangortinneqarnerannik akileraartarnermik ingerlatsiviup nalunaaruteqarneranit sapaatit akunnerini arfinillit qaangiutinnginnerani akilerneqassapput.

Imm. 5. Akileraarutissat §§-it 16-19 malillugit soraarnerussutisiaqalernissamut aningaasaateqarfimmit akilerneqarsimasut allanngortinnejarpata, ukiup aningaasarsiorfiusup kingorna februarip ulluisa 20-annit kisitsit assigiinngissutaasoq ernialersorneqalissaq, akiliisoqarnissaata tungaanut. Ukiut aningaasarsiaqarfiusumut ernialersuinermut tunngasumi erniat, qaammatisiutit ukiuanni siuliani qaammatini juulimi, aggustimi septembarimilu aningaasalersuinermik ingerlatseqatigiiffiunngitsunut tigusisinnaatitaanermut Danmarkip aningaaserivissuata Danmarks Nationalbankip ernialiuttagaa nalinginnaasumik agguaqatigiissitaq tunngavigalugu naatsorsorneqartassaaq. Aningaasalersuinermik ingerlatseqatigiiffiunngitsunut qaammatikkaartunik tigusisinnaatitaanermut Nationalbankip qaammatikkaartumik ernialiuttagaa naatsorsorneqartoq, inoqutigiinnut aningaasalersuinermillu ingerlatseqatigiiffiunngitsunut toqqortikkanut taarsigassarsianullu aningaasalersuinermik ingerlatseqatigiiffiit ernialiuttagaat pillugit kisitsisitigut paasissutissat pillugit Europami qitiusumik aningaasaateqarfissuup Den Europæiske Centralbankip peqqussutaa (EF) nr. 63/2002 ulloq 20. december 2001-meersoq (ECB/2001/18) naapertorlugu naatsorsorneqartassaaq. Aningaasalersuinermik ingerlatseqatigiiffiunngitsunut qaammatikkaartumik Nationalbankip tigoriaannarnut erniaq naatsorsortagaa, naatsorsorneqassaaq taarsigassarsiarititanut utertinneqartussanut erniaviup oqimaalutakkamik agguaqatigiissinneqarneratut, uniffiup kingorna marlunnik kisitsisitalerlugit naatsorsukkanik. Oqaaseqatigiit aappaanni nalinginnaasumik agguaqatigiissitsineq naatsorsorneqassaaq uniffiup kingorna ataasiinnarmik kisitsisitalikkamik. Erniaq qaammatisiutit ukiuat ukiut aningaasarsiaqarfiusumut naapertuttoq sioqqullugu kingusinnerpaamik decembarip ulluisa 15-ianni saqqummiunneqartassaaq. Taamaattorli annerusumik akileraarutaasussat piffissaliussap imm. 4-mi taaneqartup kingorna akilerneqarpata erniaq pineqartoq taamaallaat naatsorsorneqassaaq ullormut piffissaagallartillugu akiliiffissamut kingullermut.

§ 23. Akileraarutissat erniaajunnartunik ilallugit ilanngarlugilluunniit piffissaq eqqorlugu akilerneqarsimanngippata, piffissaq eqqorlugu akiliiffissamit kingullermiit akiliinissap tungaanut ernialersuisoqassaaq. Erniaq akileraaruserinermik ingerlatsineq pillugu inatsimmi § 43, imm. 1-imi aalajangersarneqartumut naapertuitissaaq.

Imm. 2. Imm. 1 malillugu erniat akileraarnermi tunngavigisassani ilanngaatigineqarsinnaanngillat.

Imm. 3. § 22, imm. 4-mi piffissaliussap kingorna akileraarutinut akiliutaavallaarsimasunik, § 22, imm. 5 malillugu ernianik ilallugit, utertitsilluni akiliinermi, erniaritinneqassaaq erniaq akileraaruserinermik ingerlatsineq pillugu inatsimmi § 43, imm. 1-imi aalajangersarneqartoq.

§ 24. §§-it 16-19 malillugit naatsorsuinerit piffissaagallartillugu tunniunneqanngippata akileraartarnermik ingerlatsiviup akileraarnermi tunngavigisassat taakkulu ilaat akileraaruteqaataasussat missingissavai.

Imm. 2. Akileraarutissat imm. 1 malillugu missingerneqarsimappata akileraaruserinermik ingerlatsinermik inatsimmi § 43, imm. 1 malillugu ernianut akiliuteqartoqartassaaq §§-it 16-19 aamma 21 malillugit piffissaagallartillugu ullormit akiliuteqarfissamit kingullermiit akiliuteqartoqarnissaata tungaanut.

Imm. 3. Akileraartarermik ingerlatsiviup § 1, imm. 2 malillugu akileraartussaatitaasut, soraarnerussutisiaqalernissamut aningasaateqarfiiit il.il. soraarnerussutisiaqalernissamut aaqqissuussinernik § 1, imm. 1-imut ilaatinneqartunik neqeroorutillit, kiisalu akileraartussaatitaasut § 1, imm. 1-imut ilaatinneqartut, peqqusinnaavai §§-it 16-19 malillugu akileraarutissat naatsorsorneqarsimasut nakkutigineqarnerannut atatillugu paasissutissanik ingerlatsiviup atorfissaqartitaanik piffissap aalajangersimasup iluani tunniussinissaannut.

§ 25. Inatsisip allaffissornikkut aqunneqarnera pillugu malittarisassanik Naalakkersuisut aalajangersaasinjaapput, ilaatigut makku pillugit:

- 1) §§-it 16-19 malillugit naatsorsuutit suliarineqarnerinut naatsorsuuserinikkut tunngavissat,
- 2) akileraarnermi tunngavigisassat taakkunanngalu akileraarutaasussat naatsorsorneqarnissaannut atugassatut paasissutissat suut akileraartarermik ingerlatsivimmut nalunaarutigineqassanersut, kiisalu qanoq ilusilerlugit paasissutissat taakku tunniunneqartassanersut,
- 3) § 11, imm. 3 naapertorlugit pissarsinermi akit tunisinermilu akit aningaasanngortinneqartarneri,
- 4) akileraarnermi tunngavigisassat taakkunanngalu akileraarutaasussat naleqqussarneri,
- 5) aaqqissuussinermik soraarnerussutisiaqalernissamut aningasaateqarfimmumt aningaasaateqarfimmilluunniit il.il. nuussinermi naatsorsuinerit akileraarutissallu nassiuunneqarnissaannut piffissarititap akileraaruteqaataasussallu ernialersorneqarnerisa naleqqussarneqarnerat,
- 6) kiap akileraarummik akiliisussaatitaaneranik naleqqussaaneq,
- 7) nuussinernut atatillugu akileraarutissat naatsorsorneqarneranni atugassatut paasissutissanik soraarnerussutisiaqalernissamut aningasaateqarfiiit il.il. akornanni ingerlatitseqqiineq,
- 8) aningaasarsianit akileraarutinut inatsimmi § 17 malillugu akileraarutissanik imaluunniit § 45 malillugu akitsummik akiliinermi § 20 malillugu akileraarutissanit amigartoortut ilanngaatigineqartarnerat, tamatumunnga ilanngullugu soraarnerussutisiaqalernissamut aningaasaateqarfiiit il.il. aningaasanut § 20-mut akerliusumik ilanngaatigineqarsimasunut akiliinissaminnt pisussaaffeqarnerat, taakkulu ernialersorneqarnerat, aamma
- 9) Danmarkip Kalaallit Nunaatalu akornanni akileraartarneq pillugu isumaqatigiissut 20. februar 2012-imeersoq malillugu inatsit manna malillugu akileraarutissat Danmarkimut nuunneqartussat naatsorsorneqarnerinut atatillugu paasissutissat suut akileraartarermik ingerlatsivimmut nalunaarutigineqartassanersut.

Imm. 2. Soraarnerussutisiaqarsinnaatitaasut § 1, imm. 1 malillugu akileraartussaatitaanngitsut akileraarutinut akiliissaanngitsut akileraartarermik ingerlatsivik malittarisassiorinnaavoq.

§ 26. Akiliisitaanermik pineqaatissinneqassapput kikkut piaaralutik mianersuaalliorujussuarlutilluunniit

- 1) akileraarutinik nakkutilliinermut atugassanik eqqunngitsunik paatsiveerussaatinilluunniit paasissutissiisut paasissutissanilluunniit nipangiussisimasut,
- 2) §§-it 16-20 malillugit naatsorsuutinik nassiuussinngitsut, imaluunniit
- 3) piffissaagallartillugu akileraarutissaminnik akiliinngitsut.

Imm. 2. Akileraannginnissaq siunertalarugu piaaraluni taaneqartunik unioqqutitsisoq akiliisitaanermik pineqaatissinneqassaaq, Kalaallit Nunaanni pigisanut tunngatillugu pinerlunnerit pillugit pinerluttulerinermi inatsimmi malittarisassat malillugit sakkortunerusumik pineqaatissinneqarnissaq tunngavissaqanngippat.

Imm. 3. Inatsit malillugu peqqussutini, peqqussutini aalajangersakkanik unioqqutitsinerit akiliisitaanermik pineqaatissiissutaasinnaanerat aalajangersarneqarsinnaavoq.

Imm. 4. Ingerlatseqatigiiffit il.il. inatsisitigut inuttut isigineqarsinnaasut pinerluttulerinermi inatsimmi §§-it 17-19 malillugit pineqaatissinneqartussatut akisussaatinneqarsinnaapput.

§ 27. Unioqqutitsineq nalilerneqarpat akiliisitaanermit sakkortunerusumik pineqaatissiissutaasinnaanngitsoq akileraartarnermik ingerlatsiviup pineqartumut ersersillugu nalunaarutigisinnaavaa suliassaq eqqartuussinertaqanngitsumik naammassineqarsinnaasoq, pineqartup unioqqutitsineq nassuerutigippagu nalunaarutigalugulu piffissap sukumiinerusumik taaneqartup, kissaateqartoqarneratigut sivitsorneqarsinnaasup, iluani, akiliisitsissutip ersersillugu nalunaarutiginninnermi taaneqartup akilernissaanut.

Imm. 2. Ersersillugu nalunaarutiginninneq imm. 1-imi taaneqartoq eqqarsaatigalugu, eqqartuussisarnermik inatsimmi allakkat unnerluussissutit imarisassaannut piumasaqaatit, aamma unnerluussap oqaaseqarnissaminut pisussaaffeqannginnera pillugit malittarisassat, taamatuttaaq atuutissapput.

Imm. 3. Akiliisitsissut piffissaagallartillugu akilerneqarpat akuerineqarnermiluunniit kingorna pinngitsaliissummik akilersinneqarpat paarnaarussaatitaassutaappalluunniit malersueqqittooqassanngilaq.

§ 28. Inatsimmi matumani aalajangersakkanik unioqqutitsisimanermik suliassani uppernarsaatissanik ujaasisoqarsinnaavoq, suliassani inatsit malillugu pineqaatissinneqarsimasunut inissiisarfimmut inissinneqaataasinnaasuni, eqqartuussisarneq pillugu inatsimmi uppernarsaatissanik ujaasisarneq pillugu malittarisassat naapertorlugit.

Kapitali 5

Suliffeqarfiiit akileraartussaatitaasut allaffissornikkut aqunneqalersimasut

§ 29. Aningaasaqarnermik Nakkutilliisoqarfik aalajangiippat soraarnerussutisiaqalernissamut aningaasaateqarfiup soraarnerussutisiaqalernissamut neriorsuutai imaluunniit inuunermik sillimmasiisarnermik aktiaateqarluni ingerlatseqatigiiffiup sillimmasiissutai allaffissornikkut aqunneqalissasut, soraarnerussutisiaqalernissamut aningaasaateqarfiup imaluunniit inuunermik sillimmasiisarnermik aktiaateqarluni ingerlatseqatigiiffiup akileraarnermi tunngavigisassat il.il. naatsorsornerinik tunniussinissamut pisussaaffii allaffissornikkut aqutsisunngortut tigussavaat. Soraarnerussutisiaqalernissamut aningaasaateqarfiup imaluunniit inuunermik sillimmasiisarnermik aktiaateqarluni ingerlatseqatigiiffiup inatsit manna malillugu akileraarutissaannut, akileraarutissat erniallu sinneruttut, ulloq taanna allaffissornikkut aqunneqalernissap aallartinneqarnissaanik

aalajangiisoqarnerani kingusinnerusukkulluunniit akilerneqareersimasussat ilanngullugit, kiisalu soraarnerussutisiaqalernissamut neriorsuutinit sillimmasiissutinilluunniit tigummineqartunit akileraarutissaat akilerneqarnissaannut allaffissornikkut aqutsisut pisussaaffeqarput. Akileraarutaavallaarsimasut ernialiussaavallaarsimasullu, taakkununnga ilanngullugit aningaasat § 20 naapertorlugu akileraarutissanut amigartoorutinut atorneqarsimanngitsunut naapertuuttut, ulloq taanna allaffissornikkut aqunneqalernissap aallartinneqarnissaanik aalajangiisoqarnerani kingusinnerusukkulluunniit tunniunneqareersimasussat allaffissornikkut aqutsisunut nakkartinneqassapput.

Kapitali 6

Atuutilernera

§ 30. Inatsisartut inatsisaat ulloq 1. januar 2018 atuutilerpoq.

Namminersorlutik Oqartussat, ulloq xx. xxx 2017

Kim Kielsen